

第九世可齋公傳

公父號守約自回祿後故貧且多子至公而貧益甚
公讀書甫冠無以資生長帷餬口反以爲給其

隨踪務學得補弟子員次若允若玄若綽若
使習知農事公忠謹自守里推有道長者雖諸
子樂勤力身舉能克家而公竟以貧士終矣

論曰貧亦何負於人哉貧可以善貧亦可以致富
而貧貧之仁病之者固不必於富富者亦未必不始
於貧貧之所玉成者大矣貧亦何足懼哉公雖貧



而子孫乃食貧士之報則公固有以貧而陰造者乎
不然叔向之賀貧亦誣矣夫

第九世南山公傳

公距砥菴卒之三十年而始生嘉靖辛丑公年四十有六成進士去砥菴成進士之歲蓋九十有一矣繼起何若是之遠也耶間嘗卽南山而考之而其志其事有如同堂焉者砥菴以族屬繁衍思欲光大其譜力學登仕籍其政聲流布人間顯榮可謂至矣然後托張璨韓昌魏驥以爲譜序事雖未竣而砥菴之不忍忘其祖宗而得當以表章之者固彰彰而較著也南山會試京邸師事一少年者執弟子禮彌謹此豈

僅爲一身之富貴計哉其志將有所求而其事將有所爲也旣登第受刑部陝西主事壬寅丁內艱乙巳補刑部廣西主事封父如巳官贈母安人庚戌陞順慶知府丙辰復封贈尋轉廣西按察副使丁外艱戊午秋服旣除補姚安副使越數載壬戌轉貴州督糧叅政至湖廣按察使乃致仕所至輒有聲績聞之者良以爲不愧於曾祖云居家崇禮讓有不當意者輒面叱之不少恕以時祭先人必極誠孝凡先有未備者必增益之他如修復始祖墳墓及本宗以上圖寫

傳贊影像等類其先若遺愛祠記其後若玉菴公伏
慈節孝傳并譜跋則足以紹述乎曾祖矣而南山倦
倦思以光大其譜不忍忘其祖宗而得當以表章之
者視砥菴若合符節冥冥百餘年之下南山之志一
如砥菴之志南山之事一如砥菴之事後先爭輝祖
孫一轍夫事有心相質而趨實一者得其人踵其美
五百餘歲可也後起如南山直同堂然耳寧必以年
數之遠近惜之哉又曰梅岡釋獄時正南山家居時
也其在京也同官梅岡之獄南山嘗力救之而同歸

於里爲宗祖光然則賢者而能自拔固又不必以其
世也

第九世車恭人行狀

南山配

嘉靖壬戌

沈橋

先室姪車氏諱妙恕弘治丁巳十月初十日生年十九
歸予年僅三十有四而卒卒後二十七年嘉靖丙辰
始獲葬越五年而墓中之石尚未有銘先室素有
丈夫志者今若此則橋負結髮多矣茲特述其梗槩
以請妻父儀鳳號全菴有文名祖父份號改軒慶遠
知府祖母沈氏封孺人是卽橋之從祖姑也以故妻
父視先君爲中表妻母胡氏外祖父哲號質菴孝感
縣知縣祖母陶氏卽橋先妣章恭人之舅父母也以

故妻母視先妣爲外兄蓋世戚云全菴爲質菴館甥
先室生於貳室甫歲餘秀慧不羣父母及外祖父母
咸甚愛之及長橋以世戚故得時時揖見妻父及改
軒質菴二公俱以白眉相許而不意先室遂命字矣
正德乙亥十二月三日橋奉先君命親往奠雁時改
軒卽世質菴偕先室至舍橋大父玉菴以禮迎見且
喜且戒踰三日乃別明年予下第先室勸橋勵志曰
讀書常以寸陰爲惜不患功名不可得也是歲十月
長女壽貞生丁丑予患足疾瀕於死者屢矣先室延

鑿調理裝篋幾空每夜露禱北辰請以身代或見章
恭人色不懌寬言慰之退則撫病依席淚如雨下戊
寅正月長子雲翰生庚辰春病始愈先室語橋曰君
病三年學之間也久矣今旣痊盍復館之於外乎橋
許諾於是家務悉先室主持上自祖父母與父母而
下及子女祭祀之供設親戚之往來食御贈答惟先
室操之而豐儉厚薄各當其可大父素嚴介慎許予
於先室獨曰此賢婦也嘉靖乙酉二月次子雲獅生
戊子八月次女壽順生自庚辰以至是時讀書在外

者凡九載而屢試不第者復三科先室曰豈昔者諸
大人之言不驗耶抑子之學猶未足以致之耶或胡
孺人之墓實不利於子則往返徒自苦矣橋聞之亦
直置之庚寅八月先室疾作執橋手言曰妾夢不祥
得非茲病之不可起乎橋曰卿弗憂茲小恙耳夢固
不足徵也自是鑿禱卒不效至九月八日遂長逝聞
者莫不哭之甚哀嗚呼夢耶而竟成永訣也耶初族
人有貸於橋者諾之而無以應先室曰失信於人不
可也遂脫簪珥使質而與之其成橋之美有如此者

雲翰從家塾回必問其習何業夜必令讀書已執女
紉以伴至更深方容就寢日以爲常於孝經列女傳
咸能通其大義故孝以事上和以處衆婦道之善嘖
嘖羣口治家有節制粒米寸絲不妄費歸橋十六年
箴規護恤使橋得學雖荒而不廢病雖劇而復瘳而
致有今日焉者皆先室內助之力也自先室卒後踰
三載癸巳我繼大母毛孺人卒卜葬於橫山之原乃
始遷胡孺人之柩而改葬焉踰三期橋中順天鄉試
辛丑成進士人謂橫山之鍾靈而不知先是已言及

於胡孺人之墓者先室巳蚤有以啓之也乙巳蒙敕
贈先室爲安人丙辰又贈爲恭人卒之年十一月某
日厝先室於臯平池館之側蓋橋讀書處也至丙辰
九月某日附葬於先君上風山新阡子男二卽雲翰
雲翀俱郡庠生女二長卽壽貞適山陰郡庠生朱以
良江西道御史思齋諱箎仲子也次卽壽順適山陰
郡庠生張悱江西道御史松溪諱洽仲子也孫男三
應順應慶應誥女二長適同邑邑庠生陶某山西按
察使司副使同野諱大有仲子也次許聘山陰國子

生諱博之子卽松溪孫也敢有望於立言君子倘賜
之採擇而辱之文使橋得勒石以納諸墓中則先室
之有丈夫志者庶不致於泯沒而橋向之所負於結
髮者於此亦得以自蓋焉貴州布政使司右叅議沈
橋謹狀

...

...

...

...

...

...

...

...

...

第九世壽竹樓沈翁序

萬曆丙申仲夏撰

朱賡

今之祝年者皆道長生之事上者推之於神仙其言餐霞煮石之奇蓬山弱水之境御風羽化之逍遙若可服習而旋至者廼其效亦可睹已嵇叔夜有言悠悠者以未效不求求者以不專喪業然求之若叔夜者悠悠耶不專耶而傳紀其與仙人王烈游能讀素書而竟迷石室至貽之以石髓之半不可得食也卒凝爲石乃曰叔夜不應得道也則專亦有不效者矣夫仙術雖未易言若夫三氏聖人同宗無欲此可無

惑且方爲人而靳爲仙諸所慕願不離貪樂獨非欲
耶以有欲之念求希靜之道何異蒸砂石作嘉飯乎
徵君沈竹翁少與弟給諫齊名不偶老於琴書陶如
也中歲嘗與仙人往來語之曰刀圭可繼也能掃一
室從予服習乎翁曰唯唯而朝夕琴書如故於人間
一切事亦弗棄去人嘲之以爲翁不願作仙翁笑而
未答也今年九十矣步履不以杖終日執卷吟哦燈
下可作蠅頭小書有孺子色壹似有得於服習者予
聞而惟之以叔夜之求不遇也翁則授之而不求

以王烈之欲與叔夜而不可得也。翁則不求而若得
之意，其必有專求之說，未始離乎人而遊於方之外
者也。予避跡飛來，庶青雲之志，而未有術也。故於方
君乞言而問之翁。

詩經卷六 卷之六

詩經卷六 卷之六

詩經卷六 卷之六

詩經卷六 卷之六

詩經卷六 卷之六

詩經卷六 卷之六

詩經卷六 卷之六

詩經卷六 卷之六

詩經卷六 卷之六

第九世壽沈竹樓先生序

萬曆丙申仲夏撰

陶承學

稽之史牒稱壽者李耳年二百彭篋年八百王喬赤松皆千餘年不衰然人壽非天壽也人壽者導引蓄氣歷藏內觀可以全生可以盡年若夫內不傷性外不傷物咎徵不至而休嘉集則書所稱天壽平格是已夫天一冲氣爾冲氣和順之積也在人則爲孝友忠信孝友忠信與一元之冲氣竝運亨毒雖物態起滅萬狀而此獨無分毫消爍故人能淵覽藻修倫常檢飭便是緣督爲經長生之要術卽篋耳喬松未足

多矣吾鄉臯部沈世爲望族竹樓先生者通政使梅
岡之長兄也少曾受先君易故與余爲通家友萬曆
丙申先生壽九十五月十二日其皇覽初度館甥陳
君將舉觴以祝而徵言於余余方病疴不獲奏爵壽
先生則有欣然命筆不敢以不文辭也先生性度開
朗學問淵詣與人衷表無忤雖處暴橫狙詐靡不曲
全有初其一念孝友植之天性人無間言其父濮州
守慶山翁筮仕時張宜人巳子先生及仲季季卽通
政公也後莊宜人繼張復舉四子慶山翁解龜來以

食指繁析箸時仲蚤卒則以遺產分之而獨不及先生與季蓋二昆文名灼灼膳庠間翁度兩人無食貧然以世俗揆之似非人情先生上順厥考意唯率季閉戶絕韋先生內子章孺人與季妯皆名家女各謝去紈綺縞綦作勞躬治爨釜寂然不聞一勃磈未幾而季連第卯辰則通國翕然謂慶山翁有先見實則先生成之也及通政以給練上書論忤權貴逮獄者十八年先生聞難匍匐四千里走京師夜遇莽有伏戎祛篋而去幾損一目然猶鳴搖不已徒步赴京師

通政宦淺俸慳妻孥日不暇給張宜人三上書闕下
皆先生爲之周旋保護故當時盛傳通政之忠張夫
人之節先生之孝友以爲三難此余服官北部時所
親睹也通政後釋歸被寵爵然疾不赴命與張夫人
先後謝塵事室中裝衆攘如洗先生不問而獨令次
子嗣曰弗以業廢令吾弟不祀此皆章章耳目而先
生語及輒慘然鮮肯自詡詡若先生者可謂篤行君
子孝友性成者矣古人名九十爲耄言始昏也今先
生九十玉色溫潤不異少年兩目瞳子青色炯炯尚

能夜抄蠅頭良由冲和聚順形氣合真迺享遐齡神
靈默相又何必鮐背倪齒浮垢凍梨始稱難老耶吾
聞先生耽靜嗜默嘗恍惚與列仙輩呼吸往來每托
箕相問詢而歌詠賡酬多非人間可知璇霄玉笈先
生應註籍焉尚何可甲曆衡量蓋孝弟本通神明仙
人不能違又烏能違先生哉或又言伏生申轅皆九
十歲以蒲輪赴闕賓禮帝廷今先生七上公車卒爲
儒官則天之豐其壽去齒與角應有意焉余獨謂先
生脫然簪組不以榮利搖其精役其神則所以保真

毓和者益厚且也雲初膝下玉立振振鵬飛鳳舉馳
恩有待則先生孝友將世其家詩曰壽考且寧以保
我後生如先生後人天肯終令縫掖乎大抵叶納經
申長算在世者以氣勝先生唯以修道勝故人壽以
人先生壽以天謂天壽先生可謂先生之壽壽天亦
可倘宇內微先生輩蒼蒼者幾墜矣彼年滿二百八
百八千歲爲春八千歲爲秋者卽布塞於世何關天
運又安得壽如先生者無忝爾所生哉敬以是爲先

生祝

第九世弟梅岡東傳

萬曆辛巳八月既望撰

沈

樾

東字宗安別號去棘自稱梅岡子嘉靖二年癸未年十歲隨先君之任袁州歷衡漢凡七載喜游心於技藝琴劍書畫之類無不各臻其妙辛卯年十八幡然習舉子業踰期籍籍有文名從庸齋陶公東武朱公游皆器重之乙未年二十有二先妣張氏卒東尚未娶幾四載補郡庠弟子員尋廩食室亦張氏琴瑟甚好東益發憤讀書不入私室獨居小樓三年壬寅再從兄南山集昆弟子姪月三試七藝閱東文輒稱賞

之癸卯年三十領首薦明年成進士試政於廷尉尉
評黃公母壽東以文賀之有文選某者能以意爲進
退見其文悅之黃勸之往不可曰君子莫重於始進
求而往吾不爲也遂授徽郡司李東之任執法平允
不避權貴少宰潘爲之歛跡巡撫歐陽公巡江浦公
謂志意高邁文學悠長渴心刑獄之司而聽斷無滯
盡法清查之務而爬梳罔遺交章保薦踰三期冢宰
石塘聞公遂欲以文選授之少宰潘以私憾不允授
禮科給事中時嚴氏當國太亂朝政東見之憤甚特

草一疏將極詆其罪狀會總兵周尚文卒請卹典束
上書語斤嚴氏條旨杖闕下旣絕復甦遂詔獄幽錮
束年三十有六蓋嘉靖己酉五月六日也庚戌京師
戒嚴束陳言敵人情勢請以身往來督戰不許燈深
月下詩歌悲壯有書生未遂平生志緩死何由報聖
明之句束在獄其前疏之極詆嚴氏者在家從兄朮
竊見之語稍漏旣而束友江冕出獄盡得束情冕黨
於嚴且曰束與鍊一家嚴憾甚必欲置之死賴徐呂
二相公力解乃得脫壬戌年四十有九在獄十四年

先君家居壽八十有六是年九月十九日弟婦張上
疏代繫不報癸亥嚴氏敗四月初五日張復上疏甲
子閏二月三日疏又上復不報司寇葵峰黃公郎中
兩江包公爲之請不允丙寅會進監帖上感動十月
二十二日遂得釋隆慶元年丁卯復前官九月東補
制辭不就戊辰十月十六日陞刑科都給事中己巳
四月初二日陞南京通政使司右通政庚午二月十
三日以疾辭大學士中元高公覆云沈東素稱忠義
久抱沉疴容令在籍調理病痊起用奉旨給有照會

終不就所居之前斗室二楹各度書籍備翰墨其間
作竹屏以蔽內外或批閱經史或甲乙離騷陶杜等
集遇有所作走筆立就未嘗屬稿間與弟姪輩講解
經義敘談世故壘壘不倦檻外爲小圃栽蘭芍菊數
本日陰澆花風便掃葉對青山碧水悠然自適夜則
正襟危坐而疏食水飲弗恤也隆慶壬申縣尹楊一
中相訪問答間大抵皆天下事代巡虬峰謝公按越
楊首薦之郡守傅名巖以賓賢請不赴萬曆辛巳七
月十六日午時卒距生正德甲戌四月十八日巳時

享年六十有八壬午察院傅好禮給官銀二十兩爲
束殯葬之資月支穀三石爲張存養甲申郡守蕭良
幹按察司林皆春批祀鄉賢祠中冢宰鱗陽趙公誄
之曰孰都其隆孰叨其厚度德而居誰出公右原憲
不免於長貧伯道胡爲乎無後踰九載庚寅張亦卒
山陰徐貞明表其居曰一門風節無嗣櫬以次子雲
際繼子壬午五月葬於本邑三十一都周埭山之原
東少好讀蘓武傳及釋獄論者竊以爲其行事正相
似然生平著作甚多行誼表白有陳建張元怵章嘉

禎趙明欽張季彥沈應文董暘等爲之傳誌序贊詳
矣茲不贅

[Faint bleed-through text from the reverse side of the page, including characters like 禎, 趙, 明, 欽, 張, 季, 彥, 沈, 應, 文, 董, 暘, 等, 爲, 之, 傳, 誌, 序, 贊, 詳, 矣, 茲, 不, 贅.]

朕惟恐爾等不遵朕命... 爾等宜各遵朕命... 爾等宜各遵朕命...

朕惟恐爾等不遵朕命... 爾等宜各遵朕命... 爾等宜各遵朕命...

朕惟恐爾等不遵朕命... 爾等宜各遵朕命... 爾等宜各遵朕命...

朕惟恐爾等不遵朕命... 爾等宜各遵朕命... 爾等宜各遵朕命...

朕惟恐爾等不遵朕命... 爾等宜各遵朕命... 爾等宜各遵朕命...

第九世沈東傳

陳建



沈東字宗安會稽人也舉鄉試第一嘉靖二十三年成進士初授徽州府推官入爲禮科給事中時分宜專政宣大總兵周尚文卒請卹典久之無敢議者東曰是吾禮科事也尚文素有功於邊鎮吾有言責可噤不言可乎乃爲疏指斥嵩惡嵩大怒條旨杖八十詔獄錮之明年敵犯京師趙貞吉請釋沈東之囚以開言路沈東在獄請督兵乘其惰歸設奇夾擊疏上俱不報東旣長繫有老父疾且革思東一見不可得

東妻張氏乃爲上疏曰臣夫沈東猥以愚昧之性冒
妄建言誠當萬死荷蒙皇上寬宥下獄待罪經今一
十四年東上有老親下無子女孤苦伶仃俯仰無賴
止遺臣一身寄居旅舍早暮力作女工以供口食艱
難萬狀度日如年臣夫之父今年八十有六衰病侵
尋風燭不定養生送死之具更無可托臣孱弱寡妻
顧此失彼欲歸以養舅則夫之餽粥無資欲留以給
夫則舅又旦暮待盡夫東纍囚之臣誠不敢復顧私
家竊睹聖朝仁慈浩蕩庶類樂生豈臣一門窮苦顛

連自遺覆載之外臣每自念何惜一死所以忍苦苟
延者誠望天地有曲全之仁雨露無不被之澤也今
臣舅已當垂死之年臣夫未有再生之日臣願以身
代夫繫獄暫容臣夫送父年終仍又赴獄待罪庶使
臣夫得復見其父少伸父子之情臣以舅付託於夫
亦得全夫婦之義則臣舉家感戴天恩萬代銜結圖
報矣疏三上乃下部議部爲之請不允又四年司務
何以尚上疏救海瑞上大怒下以尚獄而釋東放爲
民上是時居齋室好鈎察獄中事命守者日具監帖

進覽或無所得常塞以謾語其日帖進云有鵲當沈
東前譟不休蓋謾語上信之遂得釋束歸不及見父
躡踊哀號曰天乎生不養死不舍吾尚得爲人乎遂
自廢束擢禮垣時妻張氏以束無子家娶妾潘入京
至則下獄已三日矣張語潘曰吾忍死以視夫朝夕
分也若艾年且不識夫面盍擇所便乎潘跪曰主公
抗節夫人苦志婢子獨非人乎自誓以死與張共茹
荼苦拮据女紅易升斗供獄中橐餽凡十八年束出
見潘泣曰我當拜謝乃再拜潘驚跪扶之大掩泣遂

同歸里束歸家益落婦妾并日而食郡邑有司斬與束一見不可得也

論曰余聞沈束少時好讀蘇武傳每讀輒掩卷歔歔當食或廢箸束繫獄中一十八年視子卿差少一歲耳子卿牧羝海上自苦無人之地束居犴狴之內日受幽囚不見天日其憂愁困苦之狀視子卿則又過之一則老母辭堂生妻去帷一則父死不得斂妻妾咫尺不相見言之皆可酸心下淚迨邀天幸身入玉門出圜扉所謂雁書鵲帖皆托之人而廢於天亦一

奇也嗟乎子卿可謂持節不二之臣然尚有胡婦生子乃知辮髮醜女猶能摧屈英雄至如張氏上書代繫孝比緹縈有妾處女相隨守義半世以待天日又一奇也

第九世梅岡沈公墓誌銘

張元怵

嗚呼自昔忠臣烈士感激於一時引領就斧鋸而不
避世尚以難至若以直諫蒙幽囚十有八年旣出而
辭榮顯忍凍餓以終其身如吾會稽沈公者古今有
幾人哉公諱東字宗安別號梅岡當肅皇帝之季分
宜父子怙寵專政一以賄入爲低昂公拜禮科給事
每觸事憤慨將論列其罪狀語稍漏會總兵周尚文
卒請卹典嚴氏憾其素不附已報寢公抗疏曰臣聞
上有必行之賞斯下有必報之忠尚文忠勇素著國

之長城其死也邊人無不灑淚者而身後之典格而不議其何以示勸夫當事之臣不能上體聖心任已意爲予奪以致冒濫或得以倖成功忠反抑於捐棄其何以副皇上拊髀之思乎臣竊悼之條旨杖闕下尋詔獄垂絕者三四恍恍見金甲神人護之旣數月而瘡始愈先是張孺人自會稽來念公未有子置妾潘與俱旣至則公已下獄三日矣語潘曰吾忍死以視夫朝夕分也若艾年且未識夫面寧共守乎潘涕泣誓以死待卒相與茹荼苦拮据女紅易升斗獄中

橐籥賴以僅繼日惟兀坐玩周易著周易通解及文
言說內外本末稱名辨多要渺自得不苟襲先儒齒
頰發爲詩歌悲壯悽惋令讀者裂眦酸鼻庚戌京師
戒嚴集廷臣策所以退敵者國子司業趙貞吉曰釋
沈束之囚以開言路錄周尚文之功以勵邊將卽敵
可不戰而退亡何趙公竟斥去公在獄聞狀請得精
兵五千往來督戰以外疑敵而內翼蔽都城且度敵
飽而歸必道涿鹿出遵薊或衝突於宣大宜傳檄諸
路設奇夾擊必大勝嵩見疏斥去曰囚安得上書其

後餘姚趙公錦上虞徐公學詩會稽沈公鍊先後上書論嚴氏率被逮譴謫而去時號越中四諫而嚴氏恨越人特甚會有構者謂鍊與公同宗疑有連於是益欲甘心於公屬主者加械張孺人聞之期俱死已而華亭徐少師爲申救乃得免然嚴氏日以蜚語浸惑上聽壬戌嚴氏敗公父邠州年八十有六思一見公於是張孺人伏闕上疏請以身代繫令夫得一見父以瞑凡三上乃下部部議上不報當是時上好鈞察獄中事目錄以聞謂之監帖丙寅冬帖進云有鵠

當沈東前噪不休東曰豈有喜及罪人者耶蓋守者
無所得而姑以謾語應也上信之會何以尚疏救海
公瑞忽有旨下何於獄而釋公公歸而邠州已不待
矣乃踊而號曰痛乎生不菽死不舍吾尚得爲人乎
遂佯狂自廢時對客張目譖語家人竊語木頂口謂
公杲也公聞之笑曰我之木口內耳十八年幾爲獄
鬼今得歸首丘幸矣將以守困若輩更何晒耶丁卯
起公原官上疏乞補制尋遷都給事再遷南京右通
政竟以疾辭自是獨掃一室左右經史日夕討研其

中所著有易圖洪範律呂諸說書詩春秋周禮諸解
及潮候集禘詩稿惜多逸者家故貧僅有田十餘畝
婦妾并日而食處之怡如萬曆辛巳年六十有八微
疾而逝公之先本宋處士道跡公之裔世居會稽之
臯部里高祖諱潭以子性官封御史曾祖諱恪祖諱
琨竝善書父蓋倅袁守邠竝有聲公舉於鄉爲第
一人甲辰成進士出理徽郡三年拜給事中禮科纔三
月而上書下獄矣公旣釋張孺人冀有後日令潘進
御而身執炊汲無難容公歿未幾而潘亦尋歿矣凡

公之勁節介行雖所自樹亦其婦妾能成之也嗚呼
名完於終始德協於閨門其可謂不朽也已先大夫
與公同鄉舉庚戌而後官儀制時時問公獄中佐其
急及公歸余小子嘗從趙公往候之欸欸如平生距
今且二十年公藁葬平水山中又數年迄未有銘伯
兄東弟栗嗣男雲清以張孺人命委銘於予予何忍
辭

銘曰是爲名給事沈公之墓攸之傳不必子夷之稱
不以富千百載而下讀斯銘者其尚足以勵頑而振

儒也耶

下百類而王... 等... 此... 聖...

維曰... 長... 尊... 倫... 樂... 為... 各... 志... 勇... 武... 將... 聚... 給... 博... 精... 義...

樂... 義... 禮... 智... 信... 仁... 勇... 武... 將... 聚... 給... 博... 精... 義...

次東... 樂... 禮... 智... 信... 仁... 勇... 武... 將... 聚... 給... 博... 精... 義...

今... 此... 三... 十... 年... 在... 燕... 將... 平... 燕... 山... 中... 文... 禮... 樂... 智... 信... 仁... 勇... 武... 將... 聚... 給... 博... 精... 義...

樂... 禮... 智... 信... 仁... 勇... 武... 將... 聚... 給... 博... 精... 義...

身... 不... 以... 禮... 義... 禮... 智... 信... 仁... 勇... 武... 將... 聚... 給... 博... 精... 義...

樂... 禮... 智... 信... 仁... 勇... 武... 將... 聚... 給... 博... 精... 義...

公... 云... 禮... 智... 信... 仁... 勇... 武... 將... 聚... 給... 博... 精... 義...

第十世近原公傳

公諱玄爲可齋第三子守約之孫以家貧不克竟學
方業農卽超然有過人之志經營勤苦積日積月當
其時蕭然一室其自命恒廓如也居數椽坐叔棊屋
側逼售之不可易以田數畝乃卒予其田卽今之所
謂沈掌滙頭是也於是業有托始矣斯時也貧不能
室稼穡外兼理井曰且耕且爨蚤出暮入抑又飢不
敢飽勞不敢息農隙則親畜牧以相殖粟餘則計奇
贏以相貸如是者幾十餘年茂豐穀足孳息繁盈自

是而業漸以饒配金氏塞下女也公年三十餘聘之
歸而賢甚公喜曰是足以共貧賤矣操作饋餉相敬
如賓初未娶時家稍厚與仲兄允買宅南居已有年
矣至是出舍田間得夢徵曰此陽宅兆也爰與仲兄
中分之而已因其材而北築焉而其室遂成凡此數
十年中經營勤苦人所不堪者而公獨爲之此曾叔
祖輩爲予道及而未嘗不嘆公之萬萬不可及也厥
後買屋東地已成券矣以他支在京未之信也跋涉
許可乃受之其周密有如此者公旣老田計千畝宅

周圍三十餘丈山蕩生業遠近相望而公終布衣糲
食好穡樂勤猶昔也沒之日身染腹疾方於宅之西
滙營造石礪猶強起督視蓋萬曆庚寅八月十八日
也年六十有四葬本里臯平坂東北向其地蓋公之
自卜者

其學也... 其學也... 其學也...

其學也... 其學也... 其學也...

其學也... 其學也... 其學也...

其學也... 其學也... 其學也...

其學也... 其學也... 其學也...

其學也... 其學也... 其學也...

其學也... 其學也... 其學也...

其學也... 其學也... 其學也...

其學也... 其學也... 其學也...

第十世鹿池公傳

自毅齋下第之後子孫雖盡事典籍而相尚以隱處
爲高蓋心傷毅齋之終滯而自沮也其父害虎其子
弗復入山情固然耳及公從兄弟輩於是始以進取
爲志在庠序者濟濟多人若公若南州諱素若思齋
諱縝其尤著也時五服弟思靜文名震世殿元羅萬
化嘗師事之獨公與之齊驅讀書歷冬夏朝夕不輟
至思有所屬寢食俱忘配樊氏進之食公食之唇齒
俱墨蓋誤以墨爲糖也其用心專一而不知其味者

有如此當公讀書時叔石齋裴過之乃嘆曰余治家
不憂貧某讀書寧憂不貴乎其後果驗而於此亦可
以徵公之力學云食廩幾二十年以歲貢中順天鄉
試時隆慶庚午歲也既會試已命中爲有力者所奪
遂不果受黃岡知縣尋改武昌贈父如已官初在庠
便便然爲鄉郡最及受官如不勝遂罷職卒於家其
先從嫂雍經母家方圖執理賴樊氏救之得免從姪
負贓其田私寄公名下得少脫族兄旋州求爲侍郎
陳五山得公代稿遂獲選如此類不能殫述公之

任雖不甚高顯然自公發科後則又人人爭自濯磨
以爲毅齋伸志矣

[Faint bleed-through text from the reverse side of the page, including characters like '毅齋', '科', '發', '濯', '磨']

七月初五日... 詩話... 卷六... 五

...

...

...

...

...

...

...

...

第十一世鄭節婦傳

康熙辛巳

徐夢熊

雙

正月撰

節婦鄭氏者本邑儋塘女也夫子應恕字完衷謹身力學孝以事親友以事兄而刑于之化琴瑟之諧幾及十年萬曆庚寅歲八月翁近原病故壬辰完衷肄業北雍十二月朔生子仲殷癸巳三月完衷歸卒於家鄭氏號慟幾不欲生當是時也近原之服未及三朞仲殷之孤不滿百日兩代之繫幾如一綫自人視之孰不岌岌乎危之哉而鄭氏節哀哺負歷寒暑易春秋愛則予之憎則止之心爲之體而身爲之瘁者

鄭氏固茹荼而親嘗之者也惜乎旌獎無文是以後
之人亦少傳焉仲殷少明敏鄭氏延師課之及壯授
之以室旣而舉長孫益三而仲殷得爲諸生則使近
原完衷二代之得以承傳者鄭氏之力也余固仰其
爲人以其先行實多不詳余甚惜之益三余內戚也
嘗謂予曰今吾子姓之寢昌祖母之賜也吾少時患
氣弱祖母往往以已氣續之旣就學矣或書室無偶
雖更深祖母必燃燭以待卽吾以觀祖母之視吾者
已如此則若之視先君子者其憂勤更不知何若矣

言已繼之以泣旣而曰不特此也祖母自孀居後其
出入一聽之伯祖然族中有不給者祖母亦往往多
私厚之一日吾自學歸值老嫗持糟糝出曰此鄭夫
人賜者啓其底而視之盡粟肉也於是持者乃以實
告蓋所謂私厚之者類如此吾侍祖母同寢處者十
有六載故能知之時益三之爲予言者雖甚畧然亦
尚多奈予老邁善忘不克盡噫世之稱節婦者節焉
已爾以節兼慈難已而陰行其德又以節而能兼之
古今雖多賢婦如鄭氏者幾人乎哉使鄭氏撫孤之

時有一能言之者載之書籍則益三之能傳或不盡
傳及今爲余之能識與不盡識今日亦尚可考而已
無之則前乎吾者無乃其責有不可辭乎雖然後之
視今亦猶今之視昔也而吾用是懼矣故敢序其畧
而爲之辭

泗陽沈公傳

章正宸

沈公泗陽諱應禮天姿穎敏讀書過目成誦凡經史性理及諸子百家莫不窮究及其下筆則原原本本文不加點頃刻立成嘗曰八股所以發揮聖賢之精蘊而明體達用之學無不畢具於是彼專工制藝臘取科第亦何當於實用觀公之言與公之學此誠體用兼備者矣同邑石簣陶公名士也萬曆己酉選拔學使者閱陶卷甚佳手屈一指比見公卷歎爲競爽莫定甲乙因欲以所習卒經次第定其名叩之則皆

五經因以經題十則命對試限竟日以先完者勝公
先畢稱賞不置卽以公爲首人賀之公曰陶公宿學
吾豈敢與之爭首其謙退如此越歲鄉舉獲中魁名
以卷被割而屈公曰莫之爲而爲者命也吾豈以是
介意者蓋公自束髮讀書卽留心經濟以期實用及
處得失之際則又漠然置之此蘇子所謂非才之難
所以自用其才者實難然則公之學不可及而其量
尤不可及也後以拔貢任廣東陵水縣知縣民安盜
息召父杜母之聲載道則公之經濟可見惟不樂於

形勢中奔走甫一載而謝仕終不克竟其所用惜哉
公配王氏繼娶孟氏張氏共舉八子咸克繼其家長
君維新邑生尤有名公年六十有九而卒葬於漁池
之原

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------	------------	------------

第十二世烈女壽姐傳

壽姐者沈應節女也母蕭氏早故依伯母呂氏崇禎
辛未年十七呂氏歸寧過從伯母張氏宿有狂且者
輒欲污之姐堅拒不從乃得脫晨起整容上樓神色
自若頃之遂服溲變作其子驚趨問故曰汝父知之
遂絕時十月十四日也山陰劉念臺聞之立傳以紀
其事郡邑誌具載迄今族衆附祭四世祖祀

...

...

...

...

...

...

...

...

第十二世仲殷公傳

公善飲往往聚衆酣適不計晝夜雖失志能自遣而
供設必極豐潔對諸子懃懃懇懇藹然可接視親族
賓友其人雖鄙甚亦必以禮下之量固寬廣而御酒
則尤勝於他日少孤遵母鄭氏訓兢兢無敢失墜長
游學宮課諸子繩繩繼武鄭氏壽爲之置酒高賀母
感其孝有非禮加之者以酒解之其人自慚而去凡
婚嫁及令節必命家人儻席合飲盡歡而罷或獨酌
諸子侍側詔之飲聲色俱善興至時且酌且語且笑

且勸陶然自得窮通得喪筴如也性好潔動恐物污
一息不敢苟息或貲少絀不以憂形於色有無人不
能窺舉止端詳衣冠都麗其中外類如此視夫沉緬
醉鄉以酒自放若劉阮之不克以禮相制者其相去
奚啻天壤乎哉配薛氏性方嚴自歸仲殷語動不苟
舉家肅然盛怒時諸子婦環立拱侍非和解不敢退
然而閒談往事聚語時變每有得則又未嘗不色然
而喜也

第十三世烈婦王氏傳

沈與參妻王氏與參在京所娶與參爲沈鳴雷養子
舅姑早世王氏夫婦相依食貧自守後與參辦事倉
塲每念形單影隻輒汪汪泣下王氏屢勸止之無何
抱病身亡王氏悲慟激切聞者墮淚夫王氏特身之
贅疣耳身已死贅疣安得獨生與參旣逝知王氏者
咸謂王氏之必死及旣殮王氏遂自縊於夫柩之右
又相傳謂狂童之相逼云一時震動哀獎竝至自侍
郎某爲文以祭之嗟嗟王氏以死自許而不遽然者

其意將歸葬與參於故里而後相從歟抑靈旛在堂
固將接踵而竝驅歟是未可知而要之身無可依之
親不死則亦無歸王氏之死卽無逼之者王氏亦不
愛其死而况夫逼雖然王氏而不逼王氏亦何必遽
死而王氏而能死而不逼則無以顯王氏之死遲疾
等死而王氏之死至今稱焉則與參與有榮施矣嗟
乎人苟以節自許卽其時以身殉之可也持久之難
反不如一時之猶出於易也雖然人而能死亦安見
節之不可終哉

第十二世璋侯沈公傳

重刊科河縣
試第三十一名

陳士謨

公沈姓諱爾琬字璋侯會稽人也配王氏生四子曰
論曰炯曰燾曰策公性穎悟好讀書遇目輒成誦十
二三歲作制藝伸紙立就公外大父坦安秦君甚珍
重之習舉子業連不得志于有司家貧不能自存公
往依坦安君同在漳州幕府諳練刑錢諸務靡不洞
悉源流廓然有經世之才於是名揚州郡爭相延請
道由楓嶺會族侄懋兆領楓嶺叅將一見心服輒攀
留之以大小諸事相屬公曉暢條達畢中機宜未幾

懋兆卒公欲歸里時康熙丙辰吳賊爲寇關津有阻
不果歸幕遊一十三載家中音耗不通有同鄉陳炳
世居閩省視公賢欲以女妻之公卽毅然作色曰棄
先人之封土而浪跡他邦是不孝也遺糟糠之妻而
別諧伉儷是不義也所生數子不能教養以至成人
是不慈也負此數者有何面目立人世乎於是炳懷
慚而止公在外家業日甚蕭條王孺人任女紅以給
口食艱難辛苦靡所不至時誠諸子曰汝父離家已
久未知存歿而又一貧至此汝等不自勉其如先世

清白傳家何每篝燈紡績命諸子在旁讀書寒暑不
輟迨後吳賊平公歸里諸子皆已成立是時公服孺
人課子之苦心而孺人亦嘆公守身之嚴正也公卒
于康熙辛巳年六十有一孺人卒于康熙癸未年六
十有六公長嗣論任福建建安縣篆史次嗣炯任四
川邛州吏目幼嗣策循例膺州目三子者俱品行端
方鄉黨推重足徵孺人義方之訓有以裕其後云公
馳贈登仕郎四川邛州吏目王馳贈孺人
贊曰沈公其今之古人與觀其寄跡他邦時方多難

而卒能遠害全生以復其父子夫妻之樂詩所云明
 哲保身者其此之謂乎而至于居窮守正教子成人
 微王孺人之力不及此自古妃匹之賢稱為內助其
 信然哉其信然哉

于... 平... 六... 十... 存... 一... 入... 學... 中... 教... 養... 子... 孫... 成... 人...
 夫... 子... 孫... 成... 人... 夫... 子... 孫... 成... 人... 夫... 子... 孫... 成... 人...
 夫... 子... 孫... 成... 人... 夫... 子... 孫... 成... 人... 夫... 子... 孫... 成... 人...

第十三世舜言公傳

公諱益三原名廷賓仲殷公之子完哀公之孫近原公之嫡曾孫也多才好學衆莫能及幼從祖母鄭氏養甚愛之年十六鄭氏卒讀報劉日短之句日夕泣下配王氏尋卒繼朱氏補弟子員乙亥生子晉朱氏卒崇禎丁丑公年二十有九繼蔣氏巳卯仲殷公棄世公念先世爲有力者所抑思有以振作之以時方修舉子業遂不果巳而其母命析產諸子各受田十七畝而且先收其明年租值公念貧無得食於是附

所親以館穀自贍庚辰之金陵辛巳抵某署明年試於鄉不利數年之中奔走風塵遠離鄉井志不少遂而才益加練學益加充旣家居膺危疾凡三朞遭兵亂丁內艱六載之中患難種種苦不堪述然遇不法事莫敢與校公輒以理折之或人以事質公爲之排解或理於官公乘其機而導之其說無不售者而其色和其辭婉夫是以莫之或格而先世積弱之習爲之一變公自壬申入泮在庠三十餘年凡預鄉試者七每一蹶益自奮讀書晝夜不輟甫就枕輒瞿然而

起雖寒冬盛暑不少間日或應對賓朋經營家室
則開卷展讀衆慮屏息下筆數千言立就辭旨明
至義理精微處尤能闡發殆盡以數奇竟不得志
及老優游林泉作閒散人猶手執一編朝夕玩味
云王氏朱氏以早卒行迹不詳繼蔣氏本邑十九
都蔣瑞宇公女也年十九歸沈前子晉未及
朞踰兩年庚辰生女辰姐順治丙戌生子斌癸巳
舉錦戊戌舉銓後辰姐適胡村任子超斌錦銓相繼
入泮蔣氏少公十歲後公之卒凡二十有二年歸
沈時家正落公之

艱苦蔣氏固同受之而公之得以力學起家者實蔣氏內助之力也蔣氏事舅姑甚孝待夫子以敬其畜諸子也慈而嚴接親族也恭而禮役使工僕恩義兼至終身布衣糲食夙興夜寐至老不廢二親在堂蔣氏晨起卽櫛沐立候寢門昏則既定而後敢退或翁姑色怒必和解然後慰飲食不先進不敢私二親慎許可惟蔣氏得二親歡稱賢婦舜言公病蔣氏輒驚惶哭泣終夜跪禱請以身代日進飲食必擇所好者奉之無或缺公讀書時或客至必遣人私謝之不以

擾其慮至事有待理者度可理則已獨爲之無不合
公或朝出不歸雖更深必燃膏以待公或怒視公顏
色而善解之客有不速者其供奉輕重遲速不待命
詔而無不悉如乎公之意公甚重之撫諸子篤切懇
至病或膝行而護諸幕內或露禱而伏於地中當食
時諸子或以事不卽至則耐飢而俟夜或諸子患足
冷往往置之肘腋間寧自冷而溫之教讀書時日不
許廢棄出或及期不返盡日夜憂愁不輟諸子白衣
冠帶舄以及言動視聽俱令歸於法度或與人爭鬪

皇音...
是否必獨責其子自幼逮壯雖廣衆意不少貸其母
儀之善有如此者待親族恒卑以自牧雖卑幼者不
敢忽人或以匱乏告必周卹之多寡輕重藹如也而
尊卑上下節制森然人莫敢慢下至傭匠以及婢僕
以時使之而能知其勞逸疾病則躬調湯藥以賜之
宜飲宜食必及時而與無或失故受之者咸感德而
願盡力於其前躬經織操中饋晨則雞鳴而起晚則
漏盡而止時遇吉凶慶弔以至興築等事所需必預
置之及期不辭勞苦旦暮恒舉以自任或力所能爲

雖治圃弗恤也食止飯一盂菜數莖其先欲積聚卽
如是不敢盡或一日再食或他物充腹雖甚粗糲亦
弗擇也衣極敝不忍棄浣濯補結足以蔽體而止而
表裏亦布其自卽恒如此厥後家稍裕卒不改年七
十有七以疾卒於內寢嗚呼蔣君志能持乎終始業
足光乎祖孫有婦如此得不爲舜言公慶乎而終其
身以勤而儉者終焉噫

第十三世璞菴沈公傳

梁國治

君字宗玉諱耀祖璞菴其別號也行四考君璧公季子世居會稽之臯部以孝友世其家君生而穎異甫十餘齡卽隨外祖父陳宦於閩時同宦傅公甚器重之陳因執柯贅居傅署焉君是時已儼然成人雖攻舉子業不屑屑爲章句之學其才足爲世用常思有所建白以濟物利人爲已任而又恥以貲仕居常鬱鬱不得志旋偕其友人趙君自閩遊粵東趙故越宦族以齷務權利於粵君始至頗不錯意居久之一時

大人交口樂引之曰以君之才何所不可然魚鹽發跡自古多有未嘗不可以展厥長君於是遂親鹽政凡所規爲動合機宜數年之間日益豐阜自是粵之業蹉與君並稱者幾無多數而君處之泊如不改儒素風獨義所當爲毫髮無所吝君旣擁厚貲凡親族故舊往來其間者日不暇給有所求無不立應而一材一藝苟有可用又必曲爲援引俾各如其志而去藉君起家者指不勝屈而未嘗以爲難蓋其素志然也又念先人室廬係觀察公所建君恐日久傾圮無

以承堂構之舊遣人鼎新之年餘落成不以問諸凡
弟也其大者修宗祀增祀產置義田費輒萬計獨宗
譜之修有志未逮然已卓有成議而嗣君乃起而增
輯之太孺人迎養在粵二十餘年愛敬脩至其歿也
監司以下無不親臨者君雖業於商才畧氣誼久爲
當事所推重故不惜厚爲之禮經曰立身揚名以顯
父母殆庶幾焉太史公有言下之不能爲親戚交遊
光寵此特世俗之見耳然在今日則已萬萬不可得
吾見世之居高官膺顯秩者莫不規田廬私妻妾切

切爲子孫計而宗黨戚婭雖日有呼號其側者莫應也而一二浮薄之士爭以奢靡相尚作爲無益無濟於世又與無財者等君自奉甚約恂恂如書生未嘗以輕財任俠博取聲譽而敦本重倫凡有關名義者知無不爲爲無不力其沾溉之多規模之遠皆君之才與學足以權其輕重緩急次第舉之而生平濟物利人之畧亦足以窺見一斑矣乾隆元年例授州同知十年勅授儒林郎癸亥九月十六卒於粵之會城旅邸配傅氏後君四年而卒始終克相之子四長

潢例授主事次澍例授員外郎次漳次河需次州司
馬俱能恢弘前烈克昌厥後凡君所欲爲者無不善
繼述之此固嗣君之賢而亦以見君之厚德獲報爲
不爽也予與君爲中表知之詳丙子奉 命典試粵
東撤棘後嗣君以狀來謹爲之傳如此嗚呼如君者
信可以傳矣

皇朝詩林卷之六
七

皇朝詩林卷之六
七

第十四世次兄逸菴行狀

兄諱斌爲邑庠生字子愷先君舜言公之次子也妣王氏無出繼朱氏生長兄晉繼蔣氏生兄斌及錦及銓順治戊子次兄甫三歲叔闇生公卒無嗣先君以次兄續之時叔妣在堂次兄雖繼叔後而身仍先君撫養蓋叔妣原無意於嗣而先君以大義歸之者也叔產甚薄其所入叔妣爲衣食計且不給而次兄年方少故叔妣無暇爲後嗣策次兄年漸長卽能順承繼母意極歡適於是叔妣意甚安之謂擇嗣爲得人

康熙甲辰年十九叔妣卒其產費析殆盡或勸之爭不可曰丈夫當自拔耳奚以叔產爲哉卒聽之丁未年二十有二長兄晉卽世先君哭之哀次兄奮然警曰是吾之責也夫事無距細獨以身先之先君於是喜得分已之勞而憂傷爲之稍平嘗曰嫂孀弟幼能作苦雖出繼弗憂此產不平分也次兄答曰勤勞以承父志分耳况責無可諉敢不唯命踰六載癸丑次兄及兄錦俱入泮先君喜之甚未匝月而先君卒時先妣屢欲以死相殉兄錦及銓尚未更事次兄於哀

毀之餘獨能以誠悃經濟乃得上慰先妣而治喪理事用以無失次兄向有奩資生殖至是約可百數十金既主家政悉以其財入之及析產不復言前物甲寅山寇橫劫鄉村率多避害次兄倡議守禦且復率衆前往家人俱以得安乙卯值閏變浙人相繼饋餉次兄以里役往身冒矢石其費減於儕輩而門庭亦得無吏卒之擾先妣素戒不許訐訟人多以是恐之次兄不忍受辱直以是非求理於官由是借端以震驚之者遂少絀俗有里長冊書二役自執則凡所轄

者出銀以助之曰帮銀次兄遇役則自執所費既減而所入亦多十餘年來曾不聞一毫之或私也先君存日計田百數十畝舊廬一所次兄以守爲創而田不啻其相倍居室則又倍之豈其租之所入能至是哉亦其他之所入者有以益之也銓及孤姪三俱爲之室家授以業使之知自力而不其以或棄衣食必均齊平一其自取必擇惡者曰我安於是弟姪有過於先妣前必引之以爲已有至不可解則援他辭以開釋之長嫂孀居室相比次兄獨宿於外曰妯娌可

以朝夕聚首而且令吾嫂無自形其孤嫠之苦也事
妣極孝妣嚴急絲毫不肯寬緩次兄見怒甚必持杖
求責泣誓自新或入城市度不得歸必以期告之無
或悞歸或更深必笑語床前敘述日所歷事或招之
飲每念先妣等候雖欸留無或戀爲人胸懷開霽識
見明決對人言終始具盡絲毫無隱事所可爲則成
就之不可則止人有忿爭不可解者兩以曲直論之
其人各是輸服有德於已終其身不忍或忘性峭直
嘗面謫人過失而踰時則化故人雖不甘亦往往有

久而自釋者壬午年五十有七以疾卒銓侍湯藥二十有五日本聞教語一字止欸欸如平生將易簀知不起亦道永訣而已不復及悲傷一句嗚呼痛哉豈以爲銓之不足與言耶抑果能視死之如歸而不必容其辭說耶每念及此實使心疚云嗚呼奇節顯行之士其所處愈難則其名乃愈以著次兄之所處難乎否耶而其名乃不甚著何也吾不敢斥言其難而銓於諸兄弟之中感次兄之待銓者獨厚故不忍名之弗著爰爲序述之於右而以俟夫知之者之并採

而傳之也夫

... 土固 ... 其 ...

... 曹父 ...

... 於 ...

... 於 ...

... 於 ...

... 於 ...

... 於 ...

第十四世石菴公傳

雍正乙卯科江蘇同考試官

陳應觀

公沈姓名銓字衡文號石菴會稽庠生益三公季子也少敏悟風神雋朗秀越夷等讀書強記有卓識年十二三作科舉文字得楮墨立就不加點竄已斐然成章邑中胡南仲馮子建兩先生嘗欽服之公性純孝事親內外無間言年十六遭父病親視湯藥衣不解帶嘗焚香籲天願以身代然終不可救公躄踣哭泣幾不欲生因念有母在堂過毀恐益傷其心姑留其身以事母嗣是而孝養之道靡所不盡也公上有

三兄孟執家政仲與叔已相繼遊庠公盡友于之誼
兼師事之共相砥礪攻舉子業冀無墜先人之志甫
弱冠補博士弟子員所業益進一時同學皆爲左次
試輒高等邑中知名者咸相推服特以命途少蹇戰
棘闈者十餘次不獲領鄉薦僅以明經竟其業也而
公潛心書史未嘗有倦色每於知交讌會時慨然曰
此亦有數存其間耳毋以名之不成輟聖賢書嘗開
濬東堰東堰者上以洩漲塞之水下以壯形勝之觀
舟楫之往來者亦便於是人盡稱之曰善時康熙辛

已歲續修宗譜不辭勞瘁出諸其手而更定之莫不
筆削之詳明其所以昭宗祖之功德而示子孫之繼
服者功莫尚焉公既老善飲遇宗黨設席必敷陳道
理援據古今歷晝夜不輟而其著爲家訓者大要以
敦孝悌習詩書崇勤儉爲務至於工元人詞調手著
風節譜一本則又文義之緒餘也公生於順治戊戌
五月念四卒年六十有一公一生善狀詎能縷述緣
居戚末謹志其品概有足不朽者爰揭而爲之傳
贊曰沈公力學敦行不僅以文字稱要其文已屬精

妙然詞章爲學者餘事獨其至性爲不可及經云事
親孝忠可移於君事兄悌順可移於長余觀沈公其
庶幾乎乃才高行醇而終於不遇惜哉

第十四世恭愍沈公傳

馬正倫

公諱維誠字參可行二德風公次子孝友性成其祖
正毅公甚愛之所交皆當世賢者急人之難舍己以
從故其卒也束芻絮酒遠近畢至公有文武才旣不
試矣而又蚤卒可哀也已原配王孺人誓守貞白遺
腹永元孝且敏嗚呼是其所待以瞑目者歟

... 其子 ... 而 ...

... 丁 ... 子 ... 也 ...

... 年 ... 也 ... 也 ...

... 也 ... 也 ... 也 ...

... 也 ... 也 ... 也 ...

... 也 ... 也 ... 也 ...

... 也 ... 也 ... 也 ...

... 也 ... 也 ... 也 ...

... 也 ... 也 ... 也 ...

第十四世節母王氏傳

陶汝驥

節母姓王氏同邑以章王公女也少失怙母吳氏保
愛之生而醇謹稍長習女紅執勤不懈事母以孝聞
年十六適沈君參可親翁僅十一載而雨驟風狂鸞
孤鳳隻當斯時也節母固已視死如歸矣第念堂上
之姑何人奉養而且懷娠六月天或不絕吾夫一嗣
息上承宗祧下延子姓所關者大而遠非徒一死報
吾夫謂可畢乃事也於是姑緩須臾死閱月又四果
得遺腹子名永元卽余壻也是天之所以報節母而
亦卽節母之所以報其夫也然而撫翁孤成人大非

容易訓以大義教之讀書節母寓慈於嚴丸豈畫荻
以母道而兼父道師道焉其子爰能悉遵母訓身自
奮勵又率吾女奉湯沐侍飲食惟謹節母於今乃得
含飴而弄孫焉不寧惟是恭逢

聖明激揚風化令所在督撫學臣援例題請
旌表節孝當節母花甲之週永元己據實陳情獲邀
重典堪垂不朽因爲之傳以畧記其始末云

第十四世晴川公傳

大丈夫得志于時者吾見之矣羽儀王國鼓吹昇平
其功業自赫赫在人耳目間若大丈夫之不得志于
時者吾亦見之矣出入經史著作連篇常以變化鄉
人爲已任是二者顯晦迥殊其爲振聳啓聵之功則
一也吾受業叔諱暲字子旭別號晴川洵都公之幼
子也公生逾月而失所怙其母謝太君拊畜之年五
六歲卽穎悟不凡事母氏盡誠盡敬
職見諸
父兄必恂恂自下若不欲以賢智先

李弟

之行自幼已然矣稍長性喜文章

南仲

先生甚器重之厥後食邑廩膳文日

日益盛

凡文人碩士播譽紹郡者不可勝數而溫文爾雅卓
卓可稱要無有出公右者且夫實行者文章之根本
也古來一二好學者流以性情爲抒寫本行誼爲篇
章後之讀其書者往往攷厥生平載之簡冊以傳頌
于弗衰甚者爲之流連歎息每以不獲親見其事爲
恨然則行以文傳文尤以行重也吾族自梅崗公後
老成已謝文教漸衰後生小子于何考德而問業焉

公以不得志于時故獨能振起敗壞中作清真雅正
之文以爲諸弟子倡得其傳者或身遊太學或名列
膠庠磊磊相望于後先指不勝屈而公次嗣勝履亦
以得力于庭訓擅名黌序焉然則開來繼往舍公其
誰屬歟古人云立德立功立言謂之三不朽今我公
品行卓絕德也起衰式靡功也文足行遠言也所謂
三不朽者公以一身備之矣雖不得志于時復何憾
哉公元配婁氏生一子異行繼娶
陶氏生一子勝履孫四人煌煒琰

又繼娶

丁熙已

未十二月十二日卒於雍正癸丑

年

五十有五國珍等幼從公遊尤知公

政表而

出之以見公之振聾啟聵大有益于吾族而立德立
功立言足為鄉黨引重也是為傳

皆

乾隆戊寅秋七月

受業

姪 姪孫 國珍 明憲 謹識

漢三沈公傳

周長發

公諱士傑字漢三姿稟過人幼卽有遠志而性孝友
朴誠古處不徒以高曠相矜尚就外傳後授時藝輒
爽然曰學以實行爲本文特末耳專事章句何爲乎
由是日用倫常皆欲體聖賢之意以措之其於功名
富貴泊如也逮事時切於養志必竭其力暨女兄弟
四無不本二人之心爲周旋而宗族御黨來酬酢
間已悉覘其推誠相與之槩旣而身名素著海持
籌事皆得理任皆得人凡所識之其長蘇

不至失意於異鄉者不勝計

一人一事皆早綜

其微渺始終以爲之謀而未嘗宣諸口視其貌且漠然故接之者初似無可攀援後乃食公之惠飲公之和而無以名其經畫之所至焉故或向公作感戴輒不悅公在粵歷二十年間亦歸視家所建立設施益篤摯謂目前必不容緩者有心人自不容已况亦皆予先人之所必欲成予小子顧可辭其責哉於是新宗祠增祭產立義田修譜一舉憾未觀成尤切切於易簣時屬後嗣使速就德公之實行也替公之實

學也往見鄉里都邑中救災扶困振孤恤寡慷慨好
施者優爲之然本之不存仁愛抑末矣亦或大其志
侈其言而爲之卒不果則又不能致之以誠而拘牽
於猜嫌疑畏之私也以視公之見無不爲爲無不遂
者何如當公之築室值歲祲之功暫止公曰如百工
藉此度日何未幾而發粟佐賑濟制憲喀公高其義
給額表之且聞諸朝特賜貢以示獎之濟之所
佐多矣若百工藉以度日者幾何然而此一言則固
心德治術之所爲自然而發口事執之巨細之輕已

無不極至爾故公之行皆由

本於誠苟得在

上位則爲國與民自必有聖賢精純之實績非好名

恃才之所可比而其立心制行亦皆讀書談道者所

不能過矣公甫歿嗣君卽捐金治家乘周祥懇到不

恤勤苦亦見必誠必信善于

如斯公配金氏有賢德善相舉三子長邦錦捐軍餉

授四川簡州吏目次邦銓太學生次邦鑑先公卒于

京孫男七俱幼公言笑不苟教子弟甚嚴肅客至子

必侍立不惰凡俗習悉禁絕之無毫髮染蓋公之修

已治人皆不欲囿于今而欲其進于古也益嘆爲志
誠遠矣其自粵抱恙歸人咸慮之竟抵家神氣湛然
不問家事但舉生平歷計無所負談笑越宿而歿時
年五十有六余于公誼屬中表知之頗稔因舉其槩
爲之傳以俟他日之採風者

贈中憲沈公泗亭先生傳

戊辰
狀元 梁國治

公諱洙字遵泗號泗亭先世自豫遷越家於會稽之
小臯部代有聞人家乘班班可攷故不贅公之孤也
在遺腹中公父歿踰八月而公生幼有至性聰慧過
人七歲就外傳遇目輒成誦兼百寸莫
善屬文辭伸紙

矜也事母

意承志

帶者月餘母歿公一慟絕

皇音沙上言 卷六
不留纖微餘憾服闋

京都留心時務

名動公卿凡

氣宇軒昂風神

牧然終不就選淡勢利而篤性真樂與故舊朋

車蠟展問壑尋邱曠如也公之四世祖寶善公築野

趣軒欲爲家塾不果行公纘而行之延名師以教宗

族之子弟而禮讓遂化於鄉會高以上祭產之廉薄

者悉增益之以豐廟祀又置義田周族人之匱乏或


曰君爲宗黨計則善矣胡不爲子孫計耶公曰遺田
於子孫安保子孫之不失今公之於族使子孫不得
私售他日吾子孫有乏亦得仰而給焉則所以爲子
孫計者不較遠乎每歲之內贈金以完人婚捨棺以
卹人喪裝棉以溫人寒出粟以賑人飢種種好施

無偏擇此豈有所利而爲之哉其性則然也公生於
康熙^初年五十歲以子貴初贈奉直大夫日某晉贈
中憲大夫配陶氏贈恭人公之長嗣院周先生爲狀
新時予與監云同爲^某交甚深因知其先世隱德之

茂每齎齎樂道之不可阻國治致慈於側及則身史館
而晚岡公以少陽廉使又可見公之義名有列是為
遺德云云

贊曰余聞沈公平生之為人至於好施一節亦嘗不
感歎也儒者讀聖賢書當以濟人利物為心推恩不
置為事然知之不能行行之不能勇溺於私而以之
自封者財也所重者財薄行施於門內何有於宗黨
何有於塗人之緩急若能以沈公之德為師吾知鄙
吝不萌而仁義之風可觀矣古有匹夫而化其鄉人

者其斯之謂與易曰積善之家必
有餘慶如沈公者
又曷可量哉



跋

余家自吾父秀菴府君以上至始祖道脉府君蓋八
世矣世立一傳傳立一贊特走嘉陵乞文於太史忠
齋任公以為之序太史公曰古者諸侯世國大夫世
家又曰稽山蘇氏之譜行天下雖竟五世而實錄則
敘其本始以為出自昆吾夫吳太伯逃讓海濱會稽
之宛既濱海而家其自周入吳無可稽者姑進其宛
氏列傳為世家以附遷史吳世家云及古文公之所
以厚余者

宗昌是以承之雖然曾士父

砥菴府君

也立朝蹇蹇馳譽作郡循良

擅譽別歷中外表表在人耳目識賢之士也且

東菴府君叔之漫山府君及不肖福後為之來世亦大

夫之後別出多現世為世家也亦宜不敢不究命但

謂吾沈氏自宗周入吳以附遷史吳世家之後則余

曷敢承蓋立傳以述世系一家之史也必信以傳信

疑以傳疑而後為不誣耳否則崇輜拜子儀之墓適

貽笑於人矣故侍郎紳大學士邁去今僅四百年又

得尚書魏公驥按察司柯公暹之文之足徵余固疑

而不敢附若吳太伯迄今上下三千年茫昧不可考
余敢據以爲信而竊附之耶太史公之意不可虛辱
故述余見以跋於後云

嘉靖四十三年甲子春正月九世孫橋頓首百拜謹

跋

